


FÉLAG RANNSÓKNASTJÓRA Á ÍSLANDI

Ársskýrsla fyrir árið 2015

Í skýrslunni er sagt frá því sem var efst á döfinni hjá félaginu á þriðja starfsári þess 2015.

Ásta Sif Erlingsdóttir

4/20/2016



Apríl 2016

FÉLAG RANNSÓKNASTJÓRA Á ÍSLANDI

Ársskýrsla fyrir árið 2015

UM FÉLAGIÐ

Félagið var stofnað 19. nóvember 2012.

Markmiðið með samstarfinu er að:

- rannsóknastjórar deili með sér þekkingu
- halda sameiginleg námskeið fyrir rannsóknastjóra
- auka vægi rannsóknastjóra sem einnar heildar í rannsóknnaumhverfinu
- og síðast en ekki síst nýta mátt fjöldans ef þrýsta þarf á „kerfið“

Og þátttaka í norrænu/evrópsku og alþjóðlegu samstarfi rannsóknastjóra.

30 félagar skráðu sig í félagið fyrsta árið, og hófst félagsstarfið með aðalfundi 24. apríl 2013. Aðalfundur ársins 2015 var haldinn 25.mars 2015, á dagskrá voru almenn aðalfundarstörf og stjórnarkjör.

STJÓRNIN ER ÞANNIG SKIPUÐ:

Formaður Ásta Sif Erlingsdóttir, Háskóla Íslands

Gjaldkeri Kristján Kristjánsson, Háskólanum í Reykjavík

Ritari Oddný Gunnarsdóttir, Landspítala-háskólasjúkrahúsi

Varmenn:

Hörður G. Kristinsson, Matís

Ingibjörg Lilja Ómarsdóttir, Háskóla Íslands

STJÓRNARFUNDIR

Stjórn hélt 4 fundi auk aðalfundar á árinu. Allar fundargerðir voru birtar jafnóðum á vef félagsins.

FÉLAGSMENN

Í upphafi árs 2016 eru skráðir félagar 41.

FJÁRMÁL

Í lok tímabils er eiginfjárstað góð. Gjaldkeri gerir nánar grein fyrir fjármálum.

VEFSÍÐA

Vefsíða Félags rannsóknastjóra á Íslandi: <http://icearma.is/> fór í loftið haustið 2013 – þar eru nú upplýsingar um lög félagsins, félagatal, fundargerðir, fréttir og krækjur á systursamtök okkar í nokkrum löndum. Hvetjum við félagsmenn til að fylgjast með á síðunni og skoða vefsíður systursamtaka.

Alþjóðlegt samstarf

Félag rannsóknastjóra á Íslandi er aðili að evrópskum samtökum rannsóknastjóra; EARMA, og eiga allir félagar í íslenska félaginu þannig einnig aðild að EARMA. Um leið og félagið hafði verið skráð í EARMA fóru að berast boð um þátttöku í ýmsum ráðstefnum, verkefnum og samstarfi.

Til að mynda hafa nokkrir félagsmenn tekið þátt í árlegri ráðstefnu EARMA sem að þessu sinni var haldin í Leiden í Hollandi í lok júní og byrjun júlí. Var ráðstefnan mjög áhugaverð og gagnleg. Í framhaldi af þátttöku nokkurra félaga í alþjóðlegri ráðstefnu iNORMS í Washington 2014 var ákveðið að Félag rannsóknastjóra á Íslandi yrði einnig aðili að iNORMs (alþjóðleg samtök rannsóknastjóra).

Þessi tvö alþjóðlegu samtök og einnig SRA (society of research administrators) senda reglulega til okkar boð um þátttöku í ráðstefnum og fundum og einnig boð um aðgang að vefútsendingum á námskeiðum, sem við höfum rætt um að við ættum að reyna að nýta okkur. Jafnvel að húa saman hópi til að taka þátt í slíkum námskeiðum.

Þá hefur formaður tekið þátt í iNORMS vinnuhópi þar sem gerð var greining á því hvað hópar rannsóknastjóra vilja helst að samtökin geri fyrir þá.

Apríl 2016

Niðurstöður voru helstar þær að eftirspurn væri eftir vefnámskeiðum, styrkjum og stuðningi við mannaskipti/heimsóknir milli stofnana og að fá reynda rannsóknastjóra til að miðla þekkingu sinni til annarra. Þessar hugmyndir eru allar í undirbúningi, og er áætlað að bjóða upp á vefnámskeið mjög bráðlega, sem fyrsta skref í framkvæmd hugmyndanna.

COST verkefni

Félagið tekur þátt í COST verkefni um samstarf rannsóknastjóra í Evrópu. Verkefnið nefnist BESTPRAC og er í fullum gangi. Tveir fastir fulltrúar félagsins taka þátt í verkefninu, auk þess sem fjórir aðrir einstaklingar hafa skráð þátttöku í einstökum vinnuhópum og hafa í því sambandi sótt fundi og námskeið og fengið mikilsverð sambönd og upplýsingar frá starfsfélögum annars staðar í Evrópu.

Árið 2015 var haldinn einn stór fundur í verkefninu í Budapest í september og einnig voru tveir vinnufundir um sértæk málefni annars vegar í Lubliana og hins vegar í Nürnberg. Fulltrúar okkar tóku virkan þátt í öllum þessum fundum.

Verkefnið, sem átti að ljúka s.l. haust var framlengt um 2 ár og reiknum við með að mjög bráðlega verði gefnar út leiðbeiningar á þess vegum um ýmis málefni sem rannsóknastjórar fást við. T.d. um lagalega ramma samstarfsverkefna, um fjármál og um hvernig skilgreiningar á störfum rannsóknastjóra eru í Evrópu.

Meðal þess sem COST verkefnið hefur unnið að er að bjóða rannsóknastjórum í heimsóknir milli landa og var auglýst eftir aðilum til að setja upp slíkar heimsóknir í upphafi árs 2015. Háskóli Íslands og Háskólinn í Reykjavík tóku sig saman undir nafni félagsins og buðu upp á heimsókn dagana 18.- 20.maí 2015. Fjórir einstaklingar komu í heimsóknina sem gekk mjög vel.

Vekjum athygli á að þessar heimsóknir eru auglýstar reglulega á vefsíðu BESTPRAC og allir geta nýtt sér þær.

DEILING ÞEKkingAR

Eins og segir í markmiðum félagsins þá verður í félagsstarfinu leitast við að skapa vettvang fyrir rannsóknastjóra til að deila með sér þekkingu og einnig að fá utan að komandi aðila til að koma og kynna það sem þeir eru að gera og nýta samtakamátt okkar til að þrýsta á kerfið.

Í framhaldi af samþykkt aðalfundar 2015 var samin ályktun og áskorun frá félaginu til mennta- og menningarmálaráðherra um nauðsyn þess að kom upp rannsóknagagnagrunni á Íslandi ekki síðar en haustið 2015. Ályktunin var send í ráðuneytið strax eftir fundinn og síðan þá hefur vinnuhópur á vegum ráðuneytisins unnið að því að gera útboðslýsingu fyrir gagnagrunn – síðustu fréttir herma að hún

Apríl 2016

verði send út fyrir sumarleyfi þannig að gagnagrunnur ætti að geta orðið að veruleika næsta haust.

Þrátt fyrir ýmsar hugmyndir um stóra fundi varð árið viðburðasnautt og engir stórir fundir haldnir. En haft var samband við mennta- og menningarmálaráðuneytið um kynningu á breytingum á innviðasjóði og höfum við loforð fyrir kynningu seinni hluta í maímánaðar. Þá var send út beiðni til allra félaga og beðið um góðar hugmyndir að námskeiðum eða fundum og barst einungis ein tillaga að fá vísindamenn sem hefðu fengið stóra styrki til að lýsa því hvers konar aðstoð þeir vildu og hefðu fengið. Einn vísindamaður er í startholunum og mun segja frá sinni reynslu fljótlega.

Af námskeiði sem ákveðið var að halda með styrk frá EARMA á síðasta ári varð ekki, vegna fæðingarorlofs fyrirlesara, en von er um að það námskeið verði haldið á þessu ári.

SAMSTARF JAFNT INNLENT SEM ERLENT

Samstarf rannsóknastjóra er mikilvægt jafnt innan lands sem utan og hvetjum við rannsóknastjóra til að kynna sér hina ýmsu möguleika sem gefast á samstarfi. Eins og áður er sagt frá í þessari skýrslu þá er Félag rannsóknastjóra á Íslandi aðili að EARMA – Evrópuamstarfi rannsóknastjóra, en það félag á aðild að alþjóðlegum samtökum rannsóknastjóra iNORMS. EARMA heldur árlega stóra ráðstefnu þar sem fjallað er um það sem helst er á döfinni í Evrópu, kynntar eru rannsóknáætlanir og styrkjámöguleikar og komið á samstarfi. Ráðstefnan í ár verður í Luleå í Svíþjóð í lok júní. iNORMS heldur ráðstefnu annað hvert ár – og verður næsta ráðstefna haldin í Melbourne í Ástralíu nú í haust 2016.

Við hvetjum alla félaga, sem eiga þess kost, til að taka þátt í þessum viðburðum, að okkar mati, sem höfum sótt þá, fæst þar bæði ómetanleg reynsla og góð tengsl með þátttöku.

Þá viljum við einnig hvetja alla félaga til að senda inn hugmyndir að verkefnum, námskeiðum, fundum og öðru sem vert er að vinna á vettvangi félagsins.